

# QUÆSTIO MEDICA

QUOD LIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 1. Decembris.

M. PETRO YON

DOCTORE MEDICO, PRÆSIDE.

*An mulier ætate provec̃ta, cui menſtrua dudum defecerunt,  
gravidari poteſt?*

I.

**V**I X orta in lucem lapſu præcipiti ruunt in interitum animantia, quorum jacturam ut refarciret natura ſolers, ſpeciei propagationem certis addixit partibus: eæ miro fabricaræ artificio in perfectis animalibus ſexum diſtingunt mare & foeminâ; ita ut ille in eâ, hæc in ſe generationis abſolvat liturgiam nulli animali non gratam, cui ſi recuſas litare naturæ repugnans & Deo. Ad hoc nobiliſſimum opus venire aſymbolum neminem conſtat: mas humorem album; grandinis in morem glomeratum, ſpumas agentem, & ſpirituum ubertate perſuſum; his inſtructum dotibus nullum foemina ſuppeditat, ſed limpidum, tenuem & aqueum mukum, ſpirituum & caloris paupertate ita hebetem, ut incautis mulieribus partuum frequentia vel doctiſſimis graviditas sæpè sæpius obreperit citra ullum titillationis ſenſum qui percipi amat in aphrodiſiâ palæſtrâ: utrumque ſemen ſi placet appellare; deceptum ex illo multum, ex hæc nihil aut parum depromit efficacitatis, quæ compenſatur eo etiam ſanguine, quem (ubi poſita ſunt à ſemine prima rudimenta) pertexendæ, alendæ, & augendæ proli ſufficit.

**H**UNC vitij expertem esse suadet suave rubens color, & fontis è quo fluit salubritas, quam si exuerit longo locis in muliebribus situ tragœdias movet corporis plerumque & mentis commotione infames, sic solâ copîâ gravis, vel impenditur in fœtum, vel definitâ periodo singulis ut plurimum mensibus, ducto inde menstrui nomine, tres quatuorve dies sensim defluit; huic si solita intercluditur via, alias & comminiscitur natura, ex alveolo dentis evulsi, vomitione, anacatharsi, aut referatis venis, quæ ad ani marginem, aut nasi radicem excurrunt, nonnunquam & urinis crassis & subnigris importuno onere expeditura mulierem, quæ integrè sana (subsistente cruentâ illâ colluvie nec aliò traductâ) habere in utero certo certius asseverat: tunc retenti seminis & jam expansi in stamina explet rimas & intervalla, fœtumque inchoatum & perfectum alit & amplificat, sed infeliciùs cum sanguis foras affectat viam, donec ille grandior perfractis repagulis iter sibi patefecerit ad vitales auras: at morbo non ita pridem defuncta, effœta quidem, sed vix fœta fiet; si tamen prægnans & extenuata simul alvo contineat, concepti seminis ejectionem aut abortum passura est priùs quam habitudini priscæ reddatur: scilicet exucci & aridi fœtus demensum quo saginetur abripit mulier, quæ ideò si junior, vix audiet mater, quin debitam staturam adepta sit, vel ei quidpiam decedat.

## III.

**N**ON te falsa producat sobolis mox affuturæ spes, quoties sanguinis solenni ritu fluxuri motus sistitur: Equidem illa, cujus macies & natura virilis æmula sequioris sexûs longè superat sortem, luculento calore potens, residuum aut cumulat nullum, aut abligurit omne, aut ducit in pilos, aut per patentiores cutis mæandros in auras extenuatum exigit, per uterum nihil. Pariter & quæ lacte dives præbet uber puero lactenti, qui Nectaris suavissimi copîâ insuetum sugendi laborem demulceat, nullo maculabit indusia sanguine, an hinc ad mammas recurrente quo lacte turgeant? Illius secundo circiter per uterum citati primùm, septimo frequentius septenario cursus ultimùm intercipitur, ocyùs nonnunquam & seriùs, sanâ adveniente & urgente senectute semper, quia longâ an-

norum serie attritæ partes sanguinem cudunt frigidiorē & parciorem vix per solita quondam loca rugis nunc & marcōre confidentia ferendum: quisquis dulces exoptas gnatos, nullo habito cum illis mulieribus commercio, alterius frūere amplexibus, quæ si provecta paululum, sed non decrepitâ ætate, uterum nullo pridem erumpente sanguine fordīdatum accommodat, te pulchrâ validâque prole parentem beabit.

## IV.

**A**UTUMNUS labens hyemis instantis prodromus grata vice ridentis diei æquat, imò & superat interdum veris ineuntis serenitatem; ita & juvenis fecunditatem emeritis annis plena & jamjam matura mulier, quæ si pingui mollique otio diffuens magnifico apparatu & vitæ cultu cum elegantia & copiâ delectetur, lautissimisque mensarum cupediis subfarcinatum corpus longo committat morphæo eo luxuriabit sanguine brevi cessuro in generationis opus, & qui oblitus dudum statī circuitus intus servatur eâ copiâ quæ sufficiat proli, ad quam edendam inutile est sanè quod aliquando prodierit foras, cum mulierem huic nunquam proluvio mancipatam spes gratissima posteritatis etiam consoletur: sic nec junior nec senior annis cum tenebit inter utramque ætatem modum; superfluum quidem (ut illa) reservando sanguinem, sed (hujus instar) non amplius excernendum. At ne coercitus & de domestico factus peregrinus illam malè habeat, si eo ad fœtum non utitur, abutitur, & ad adipiscendum corporis habitum solidum & succi plenum, qui egregiæ formæ venustatem majestate conjunctam ita exornat, ut nullius sibi non devinciatur observantiæ cultum & amoris singularis.

## V.

**M**ULIER hæc quæ amoris causam præ se, ejusdem, etiam & effectum in se ferre potest, ad quem nullius esse momenti puta quod solitam à pluribus annis viam per uterum insistere deserit sanguis, modo ejus quid residui absumatur in foetum; tunc uxorum pensum strenuè accurando non ludet operam, & potissimum si dudum vidua caruerit viro, cujus desiderium ut leniat blanditiis pridem inexpertis, nupta iterum jungatur alteri juveni, & pervigili vomere prædium muliebre alacriter revolventi, quo vitam exigit genialem; quamobrem

ferventi sanguine calentibus venis æstuante intermissa diu venus recoletur suavis, & voluptatis arcem igne cæco deflagrantem quam blandè mitigabit aliò quondam migrans, eò nunc revocatus sanguis, qui semen utriusque parentis commodum nactus, eique intertextus factum promovebit, alet, augebit & corroborabit ut maturus feliciter excludatur à matre, quæ licet eo graviditatis tempore aliquid faginæ deposuerit, instante tamen partu vegeta non implorabit opem Profæ & Postvortæ. Sic quoque & ros sanguineus motu periodico non stillat ex utero brutarum animantium, quæ nihilominus valentes factus procreant, sed priùs libidinis cestro percitæ, cum copiosus sanguis latebris abditus morâ factus acrior partes eas fodicat exquisito donatas sensu, donec benefico maris semine mitificetur, aliàs nihil molestiæ pariturus.

*Ergo mulier ætate provecta, cui mēstrua dudum defecerunt, gravidari potest.*

### DOMINI DOCTORES DISPUTATURI.

M. Philippus Mathon. M. Matthæus Thuillier, Scholarum M. Claudius Guerin.  
Professor.

M. Raymundus Finot. M. Ioannes Baptista Ferrand.

M. Petrus Yvelin, Medicus Regis  
ordinarius & Serenissimæ Austriacensium Ducissæ Medicus  
primarius.

M. Robertus Rasult. M. Carolus Marteau, vci Herbaria  
Professor.

M. Mathurinus Denyau, Pro-  
fessor Regius.

Proponebat Lutetiæ RENATUS CHAUVEL  
Cœcnomanensis, A. R. S. H. MDCLXXII.

---

P A R I S I I S,

Ex Typographiâ FRANCISCI MUGUET, Regis &  
Illustrissimi Archiepiscopi Typographi, viâ Citharæ.